

Na osnovu člana 7. Pravilnika o postupku direktnog sporazuma („Službeni glasnik Bosne i Hercegovine“ br: 90/14), člana 7. Pravilnika o postupku direktnog sporazuma Javne ustanove Osnovne škole „Hašim Spahić“ Ilijaš br: 01-242/15 od 21.03.2015. godine i u skladu sa članom 2. Odluke o izboru najpovoljnijeg ponuđača, broj: 01-816/20 od 30.07.2020. godine, a nakon provedenog direktnog postupka za nabavku radova: dogradnja pristupne i dvije unutrašnje rampe za osobe sa invaliditetom u JU OŠ „Hašim Spahić“ Ilijaš

1. **Javna ustanova Osnovna škola „Hašim Spahić“**, sa sjedištem u Ilijašu, ul. Krajiška bb., ID broj: 4200284320003, koju zastupa direktor Nihad Salkić, kao Naručilac (u daljem tekstu: Naručilac), s jedne strane i
2. **„Vizija“ d.o.o. Visoko**, sa sjedištem u Visokom, adresa: Muhašinovići bb, ID broj: 4218109670006, koju zastupa direktor Mevlida Smajić, kao Izvođač radova (u daljem tekstu: Izvođač), s druge strane

Zaključili su dana 03.08.2020. godine sljedeći:

**UGOVOR O JAVNOJ NABAVCI RADOVA  
-DOGRADNJA PRISTUPNE I DVIJE UNUTRAŠNJE RAMPE ZA OSOBE SA  
INVALIDITETOM U JU OŠ „HAŠIM SPAHIĆ“ ILIJAŠ-**

**PREDMET UGOVORA**

**Član 1.**

Predmet Ugovora o izvođenju radova (u daljem tekstu: Ugovor) je dogradnja pristupne i dvije unutrašnje rampe za osobe sa invaliditetom u JU OŠ „Hašim Spahić“ Ilijaš, a prema Ponudi broj: 01-472-2/20 od 29.07.2020. godine (u daljem tekstu: Ponuda) koja je sastavni dio ovog Ugovora.

**Član 2.**

Izvođač se obavezuje da radove iz člana 1. ovog Ugovora izvede stručno i kvalitetno, u skladu sa važećim propisima, standardima, pravilima i zakonima koji važe za ovu vrstu radova, sa svojom radnom snagom i opremom i u skladu sa ponudom.

**CIJENA RADOVA**

**Član 3.**

Ugovorena cijena za izvođenje radova je data u ponudi i iznosi 5.981,15 KM bez PDV, što sa uračunatim PDV-om iznosi 6.997,95 KM (slovima: šest hiljadadevetstotinadevedesetsedam i 95/100 KM).

Ugovorena cijena je fiksna i ne može se mijenjati ni pod kojim uslovima

**TRAJANJE RADOVA**

**Član 4.**

Izvođač se obavezuje da će radove iz člana 1. ovog Ugovora izvršiti u roku od 30 dana od dana potpisivanja ugovora i uvođenja u posao.

## **PLAĆANJE**

### **Član 5.**

Plaćanje će se vršiti prema ovjerenim privremenim situacijama i okončanim situacijama po zapisniku o primopredaji radova u roku od 15 dana od dana ispostavljanja fakture za izvedene radove na račun izvođača radova.

## **GARANTNI PERIOD**

### **Član 6.**

Izvođač daje garanciju na kvalitet u trajanju od 1 (jedne) godine počevši od momenta prijema radova.

### **Član 7.**

Izvođač je obavezan da u toku garantnog perioda u razumnom vremenskom roku koji postavi Naručilac radova otkloni sve uočene nedostatke o svom trošku. Ugovoreni garantni period se produžava za onoliko vremena koliko je trajao zastoj zbog otklanjanja nedostataka.

## **OBAVEZE UGOVORNIH STRANA**

### **Član 8.**

Naručilac se obavezuje da:

- Izvrši obaveze iz člana 5. i 10. ovog Ugovora,
- Dostavi izvođaču radova glavni projekat po kojem se izvode radovi.

### **Član 9.**

Izvođač se obavezuje da:

- Radove izvodi na način i u rokovima određenim ovim Ugovorom i Ponudom,
- Prije početka izvođenja ugovorenih radova iz člana 1. ovog Ugovora, blagovremeno i detaljno prouči glavni projekat na osnovu koje se izvode radovi,
- Pridržava se svih propisa, tehničkih normativa i standarda koji važe za ovu vrstu radova,
- Nadoknadi eventualne štete trećim licima i Naručiocu prouzrokovane vlastitom nepažnjom kod izvođenja radova,
- Naručioca u pismenom obliku obavijestiti ko je odgovorni rukovodilac radova,
- Sačiniti Zapisnik o primopredaji radova i naručiocu predati izvedene radove.

## **NADZOR I GARANCIJA**

### **Član 10.**

Stručni nadzor nad izvođenjem radova Naručilac će vršiti preko svojih radnika ili ovlašćenih stručnjaka ili preduzeća registrovanog za vršenje stručnog nadzora za ovu vrstu radova, na način s pravima i ovlašćenjima regulisanim važećim zakonom.

Naručilac će pismeno obavijestiti Izvođača o licu ili firmi koji će u njegovo ime vršiti stručni nadzor nad izvođenjem radova, kao i o obimu njegovih ovlašćenja.

### **Član 11.**

Izvođač je dužan da uredno i po važećim propisima vodi građevinski dnevnik i građevinsku knjigu sa svim priložima, koji moraju biti redovno potpisani od strane lica koji će vršiti stručni nadzor nad izvođenjem radova i odgovornog rukovodioca radova i to: građevinski dnevnik svakodnevno, a građevinsku knjigu nakon izvršenog obračuna.

## OBEZBJEĐENJE I ČUVANJE GRADILIŠTA

### Član 12.

Od početka izvođenja do predaje radova Naručiocu, Izvođač je dužan da obezbijedi i čuva izvedene radove, opremu i materijal od oštećenja, propadanja, odnošenja, krađe, uništenja. Izvođač snosi troškove obezbjeđenja i čuvanja izvedenih radova, opreme i materijala i rizik njihovog oštećenja, uništenja, krađe, odnošenja, propadanja.

## PRIMOPREDAJA IZVEDENIH RADOVA

### Član 13.

Izvođač će odmah, a najkasnije u roku od 10 dana nakon završetka radova, u pisanom obliku obavijestiti Naručioca da su ugovoreni radovi izvedeni.

Naručilac i Izvođač su dužni da pristupe primopredaji izvedenih radova u roku od 10 dana računajući od dana završetka radova.

O primopredaji izvedenih radova sastavlja se zapisnik u roku ne dužem od 5 dana od dana pristupanja primopredaji izvršenih radova.

## RJEŠAVANJE SPOROVA

### Član 14.

Sve eventualne sporove, ugovorne strane će rješavati sporazumno u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud u Sarajevu.

## ZAVRŠNE ODREDBE

### Član 15.


Za sve odnose ugovornih strana, koji nisu regulisani Ugovorom, primjenjivat će se odredbe važećih propisa koji se odnose na izgradnju objekata i Zakona o obligacionim odnosima.

### Član 16.

Ovaj Ugovor stupa na snagu danom zaključenja od strane ugovornih strana, a isti je sastavljen u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka.

Za Naručioca:

JU OŠ „HAŠIM SPAHIĆ“  
ILIJAŠ

  
Nihad Salkić, direktor

Broj: 01-818/20

Ilijaš, 03.08.2020. godine



Za Izvođača:

VIZIJA d.o.o.  
VISOKO



  
Mervida Smajić, direktor

Broj: 01-410/20.

Ilijaš, 03.08.2020. godine